



BIBLIOTHECA  
UNIV. JAGIELL.  
CRACOVENSIS

41579

181.1000

Mag. St. Dr.

I

Biblioteka Jagiellońska




stdr00000674



41579 I


Mag. St. Dr.









11529 1  
1895 9 14













# TESSERA PRIMA

Sacerdotis Magni,  
TETRAGRAMMATON  
SVB QVO,  
velut

*Sub Typo & Symbolo Proprio singularia sacratissi-  
mi ac gloriosissimi nominis IESV SACERDOTIS  
ac PONTIFICIS supremi mysteria & encomia  
lucidissime & luculentissime reaserantur.*

AUTHORE,

A. V. P. PETRO SMOGORZEWSKI, Ordinis  
Seraphici S. Francisci, Fr. Min. de Obseruantia,  
eiusdem instituti S. T. Professore.

*Cum permissu Superiorum.*



CRACOVIAE,  
In Officina Typographica Francisci Cefarij,  
Anno Domini, M. DC. XXII.



*Vocalis nomen eius IESVS, ipse enim saluum  
faciet populum suum à peccatis eorum.*

*Matth. i.*



**N**escio quâ nomen IESV dulcedine cunctos  
Allicit, immemores nec finit esse sui.  
Illi triste nihil funestumq; euenit vnquam,  
Qui nomen IESVS mente piâ recolit.  
Dulce igitur nomen IESVS in pectore scribe,  
Namque illo constat vita, medela, salus.

Perillustri ac Magnifico Domino.

D. I O A N N I  
Z E B R Z Y D O W S K I,  
S V P R E M O R. P. E N S I F E R O,

L A N S C O R O N E N : S Z A D K O V I E N :

&c. Capitaneo, Domino & Benefactori  
Suo Clementissimo

F. P E T R U S S M O G O R Z E W S K I, Ord. S. Francisci de Obser.  
Fr. Minor. Omnem felicitatem à D. I E S U precatur.



Radunt pleriq; hystoriarum Au-  
ctores peritissimi, Perillustri Do-  
mine, Romanos illos veteres in  
cultu Deorum suorum adeo fuisse  
observantes & superstitiosos, ut  
etiam Deum illum, cuius in tutelâ urbs vel oppi-  
dum esset, summum nefas ducerent nomine proprio  
compellare, eam nimirum ob causam, quòd, cum  
hostes urbem aliquam obsiderent, aut urbem aliter  
capi posse non crederent, nisi prius ex ipsâ certo car-  
mine Deos evocarent Titulares; aut etiamsi id  
non impossibile persuasum haberent, nefas tamen  
existarent Deos habere captivos. Propterea &  
ipsi Romani Deum suum Titularem, & ipsius ur-

Plutarchus  
lib. Probl:  
Plinius.  
Verrius  
Flaccus  
& Macrob.



# EPISTOLA

his nomen Latinum ignotum esse voluerunt, ne  
qui hostium simili modo & ratione illos circum-  
uenirent, & in suam potestatem ac seruitutem re-  
digerent. Eandem ob causam refert Lucanus cu-  
iusdam falsi Numinis, quod Demogorgon dici-  
tur, fuisse nomen occultissimum, quo vocato, terra  
concussa tremere solebat, de quo sic Poëta canit:

An ille  
Compellendus erit, quo nunquam terra, uocato,  
Non concussa tremit? qui Gorgona cernit.

Hæc num vera sint, an ficta à Poëtâ, cuiq; iudicio  
æstimanda suo relinquo. Quidquid sit, digni pro-  
fectò illi Ethnicorum fictitij Dij vel potius ipsi Dæ-  
mones fuerunt, ut nomina eorum perpetuo silen-  
tio & obliuione obruerentur, tetraq; caligine at-  
que tenebris Cimmeriis sepelirentur. At verus  
Deus apud quem non est vlla transmutatio, nec  
vicissitudinis obumbratio, augustissimum & diui-  
nissimum nomen JESVS non vult silentio ferri,  
nec ullis errorum tenebris vel caligine ignorantie  
obumbrari; quin potius gestit, ut pro suâ maie-  
state & dignitate, toto orbe terrarum, ubiq; gen-  
tium cum summâ reuerentiâ & veneratione præ-  
dicetur, celebretur, decantetur, & super sidera ex-  
tolla-

# DEDICATORIA.

tollatur. Huius rei gratiâ post Patriarchas, & Prophetas ac Sibyllas (quæ hoc sacratissimû nomen ante aduentum Christi in carnem variis vaticiniis & præconiis illustrarunt) in lege Euangelicâ Deus ter Op. Max. tot Apostolos, Martyres & Confessores suscitauit, qui sacratissimi ac gloriosissimi nominis JESVS fortissimi testes, & præcones feruentissimi, cultoresq; fidelissimi extiterunt. Inter quos primum obtinet Princeps Apostolorum, & vertex Theologorum Beatus Petrus, qui splendore huius nominis cunctorum intuentium oculos mirum in modum perstrinxit, quando illa vox (in nomine Act. 3. JESV surge & ambula) tanquam fulgur de ore eius egrediens Aeneæ illius claudi, plantas & bases pedum solidauit, multaq; millia hominum lumine fidei illustrauit. Cui proximus est valde præstantissimum Vas electionis S. Paulus, qui præclarissimum nomen JESVS tanquam lumen quoddam illustre coram gentibus & regibus deferebat, totumq; mundum illuminans ubiq; forti ac constanti animo intonabat, se nihil aliud scire præter IESVM & hunc crucifixum. His Apostolicis viris non ab-  
similis fuit beatissimus & gloriosissimus pauperum

## EPISTOLA

Patriarcha Seraphicus S. Franciscus, vir Catholicus & totus Apostolicus, qui virtute diuini amoris liquefactus in amorem IESV Christi crucifixi transformatus, totum se cultui sacratissimi nominis IESV dederat, adeoque totum suum studium & omnem operam in cultu & veneratione huius sacratissimi nominis collocauerat, ut etiam sanctissima Domini nomina & verba scripta, ubicunque inuenta essent in locis illicitis, voluerit colligere, & in testamento suo postulat, ut à Fratribus colligantur, & in locis honestis collocentur. Huius S. viri propositum & vestigia egregie imitati sunt, cum alij plurimi, tum precipue fulgentissimum sidus Seraphice Religionis nostrae S. Bernardinus de Senis, inuictus ac indefessus sacratissimi nominis IESV declamator, qui veluti Seraphim ardentissimus ignito calculo celitus mundatus, & quasi torrens igneus rapidusque inundans, nomen illud sanctissimum IESVS, languentis Italiae urbes, oppida & castra, ac villas quasque perlustrans, Christianis vitam tepide agentibus annunciabat, & à virtutis tramite deuios huius sacratissimi nominis presidio misericordiam consecuturos ad penitentiam pro-

uoca-



## D E D I C A T O R I A.

uocabat. His non dissimiles erant & alij viri San-  
 cti quàm plurimi: Talis erat, S. Bernardus, talis  
 S. Dominicus, talis S. Hyacinthus, talis S. Capistra-  
 nus, quorum admiranda virtus in predicatione &  
 veneratione sacratissimi nominis IESV enituit.  
 Talis demum erat (ut alios taceam) insignis ille  
 Dux & Antesignanus SOCIETAT: JESV San-  
 ctus Ignatius Loyola, qui, sub augustissimo sanctis-  
 simi nominis JESV vexillo, sacram Societatem  
 IESV, singulare fidei Catholica propugnaculum,  
 insignemq; honestissimarum litterarum & Christiane  
 perfectionis seminarium erexit, eamq; veluti aciem  
 castrorum fortissimam instruxit ac direxit ad pro-  
 pugnandum & propagandum sacratissimi nomi-  
 nis IESV cultum. Horum Sanctorum Patrum e-  
 gregia facta & exempla & ego imitatus, nec mi-  
 nus splendore quàm amore sanctissimi nominis  
 IESV illectus, nonnulla præcipua huius celeberrimi  
 nominis mysteria & præconia collegi, earq; in v-  
 nam tesseram SACERDOTIS verè MAGNI D. N.  
 JESV Christi redegei, quam sub felicissimis auspi-  
 ciis Tuis, Vir Dignissime, typis mandare & in lu-  
 cem proferre decreui. Exposcebat hoc à me, cum  
Tua

EPISTOLA DEDICAT.

Tue in excelso posita virtutis prestantias; tūc precipue Tua Tuorumq; nobilissimorū Parentum singularis erga hoc augustissimū & diuinissimum nomen Pietas & Religio, cuius multa & preclara extant in Ecclesia Sacrosancta monumenta, inter quae mirifice coruscat noua illa Typica in Tuis patriis montibus celeberrima Caluaria, singulare mysteriorum & meritorum Passionis Dominice ac diuitiarum spiritualium Gazophylatium, totiusq; Europe nobilissimum monile & Emporium, in qua ad inuocationem sacratissimi nominis IESV corda, plusquam ferrea emolliuntur ad penitentiam, miracula perpetrantur, indulgentie plenarie, multaq; alia diuina beneficia & consolationes spirituales enlargiuntur. Accipe igitur, Vir Amplissime nunc primā verē MAGNI SACERDOTIS tesseram, eamq; nomine Sanctissimo IESV veluti numine Titulari illustratam amplectere. Deus ter Opt. Max, Celsitud. Tuam Ecclesie sue & Reip. nostre quā diutissimē saluam & incolumem tueatur, omnesq; actiones Tuas ad gloriam nominis sui sempiternam dirigere & prosperare dignetur. Vale columna Ecclesie, presidium pauperum. Dat. Crac. ad Aedes S. Bernardini. Calen. Ian. 1622.

# TESSERÆ PRIMÆ.

## PROEMIVM.



**I**nter cæteras præclarissimas  
 & amplissimas Christi Domini Sacer-  
 dotis & Pontificis supremi prærogativas  
 & excellentias, non video, quod mihi  
 ante omnia veniat considerandum, quàm  
 sanctissimum & augustissimum nomen  
 IESVS, cuius paucis quidem verùm non  
 obscuris verbis S. Lucas Euangelista expressit mysterium,  
 cùm in hunc modum scribit: Postquam consummati sunt  
 dies octo, vt circumcideretur puer, vocatum est nomen eius  
 IESVS, quòd vocatum est ab Angelo priusquam in vtero  
 conciperetur. Magnum sanè, & (vt mellifluus Doctor atte-  
 statur) mirabile Sacramentum. Circumciditur puer, & vo-  
 catur nomen eius IESVS. Quid sibi vult ista connexio?  
 Circumcisio nempe, magis saluandi, quàm Saluatoris esse  
 videtur; & Saluatorem circumcidere decet potius quàm  
 circumcidi. Sed agnosce Mediatorem DEI, & hominum,  
 qui ab ipso natiuitatis suæ exordio diuinis humana sociat,  
 ima summis. Nascitur ex muliere, sed cui fecunditatis fru-  
 ctus sic accedat, vt non decidat flos virginitatis. Pannis  
 inuoluitur; sed ab ipsis Angelis laudibus honoratur. Abs-  
 conditur in præsepio; sed proditur radiante stellâ in celo.  
 Sic & Circumcisio veritatem susceptæ probat humanitatis,  
 & nomen, quod est super omne nomen, gloriam indicat  
 Maiestatis. Circumciditur tanquam verus Abraham filius;  
 IESVS vocatur tanquam filius Dei. Neque enim ad in-  
 star priorum iste meus IESVS nomen vacuum & inane por-  
 cat.

*Luca 2.*

*S. Ber. ser  
de Circum-  
cissione.*



Luce 2.

*Nomen IESU  
sanctissimi  
mysterii  
ac deli-  
ciosis plenum.*

*S. Ber. de  
Passione D.*

Job 17.

*1 Corint. 14.  
Nomen IESU  
nemo potest  
proferre  
nisi in Spi-  
ritu Sancto.  
S. Bernardi-  
nus de Senis  
ser. 48. de  
Euangelio  
aeterno.*

rat. Non est in eo magni nominis umbra, sed veritas. Caelitus siquidem inditum nomen testatur S. Euangelista, quod vocatum est ab Angelo priusquam in utero conciperetur. Vocatum planè non impositum nempe hoc ei nomen est ab æterno. A naturâ propriâ habet, ut sit Saluator: innatum est ei nomen hoc, non inditum ab humanâ vel Angelicâ creaturâ. Hæc Doctor mellifluus. Quisnam ergo & qualis fuerit puer iste pro redemptione humani generis in ætate infantili circumcitus, conice ex proprio vocabulo, quod procul omni dubio religiosâ & deuotâ mente credimus esse Sanctum, & sanctissimis mysteris ac deliciis plenum. IESVS enim (teste eodem Doctore mellifluo) est Redemptor perditorum, Saluator redemptorum, spes exulum, fortitudo laborantium, anxianti spiritus latitudo, animæ lacrymosâ & post se in sudore currentis dulce solatium, & suaue refrigerium, corona triumphantium, vnica merces & læticia omnium supernorum ciuium, vberissimus fons omnium gratiarum, inclyta proles summi Patris, & summus Deus, quem benedicunt omnia quæ in coelo sunt sursum & quæ in terrâ deorsum. Hæc ille. Quid igitur dignum eo loqui possumus, cuius ne nomen quidem vacuum est luce laudis? Certè excellentior cælo est, profundior inferno, longior terrâ, & latior mari, cuius laudes dicere gestimus. Ipsum quoque nomen sanctissimum & diuinissimum IESVS tantæ est excellentiæ & maiestatis, tantæ prærogatiuæ & authoritatis, ut à nullo prorsus possit sine speciali Spiritus Sancti gratiâ dignè & meritorie nominari. Nemo enim teste Apostolo potest dicere nomen IESVS, nisi in Spiritu S. Vnde & ardentissimus ille huius sacratissimi nominis amator & feruentissimus declamator S. Bernardinus de Senis ingenuè fatetur: Deficientius, hareret palato lingua, & omnis arefcit sermo, cùm mens humana de nomine IESV considerat pronunciare sermonem. Est nempe tam amplum tamque profundum pelagus

## SACERDOTIS MAGNI.

Iagus nomen IESVS, vt plenam explanationem illius nul-  
 lus humanus intellectus exprimere queat. Quis enim incom-  
 prehensibilem explicare valeat? Quis possit exprimere infi-  
 nitum, aut quis Deum & hominem poterit coarctare sermo-  
 ne? Propheta enim ait: Secundum nomen tuum Deus, sic &  
 laus tua, id est, secundum rem nominis tui laudabilis es Do-  
 mine. Sed quis rem nominis eius explicare poterit, vt lau-  
 det Deum per eam & propter eam? Quis est tantæ gratiæ &  
 tantæ virtutis, vt ad laudis eius præconium aliquo modo re-  
 periaturs idoneus? Nemo prorsus nisi fuerit labiis circumci-  
 sus & purgatus. Proinde Isaias in contemplatione subuectus  
 ad regis gloriæ visionem, antequam de IESV, quem vocat  
 Emmanuel, & de conceptione virginis ordiretur sermo-  
 nem, proficitur se pollutum, & Seraphicum experitur mini-  
 sterium: carbonem labiis sensit ignitum, & sic purgatus &  
 spiritualiter circumcisus virgineum conceptum annunciat  
 & filij nomen in utroque declarans venerabile fidei Sacra-  
 mentum. Veni igitur Domine IESV Christe, qui minister  
 es nostræ spiritualis circumcisionis, & labia mea tangas, ini-  
 quitatem auferas, meum expurges affectum, illumines in-  
 tellectum, perficias imperfectum, calamum vel linguam ad-  
 moueas, manum dirigas & actum; vt ad tui nominis gloriā  
 tuæ charitatis ardor immisus euaporet flammam.

*Psal. 47.*

*Isais 6.*

## CONSIDERATIO I.

**L**Ege diuinā sancitum erat, vt Summus Pontifex san-  
 ctuarium ingressurus, & sacrificium oblaturus, Ponti-  
 ficis ornamentis indutus, caput thyarā tegeret, exquā  
 Sacrosanctum nomen Dei aureæ laminæ insculptum depen-  
 deret. Sic enim hac de re præceperat Dominus Moysi di-  
 cens: Facies laminam de auro purissimo, in qua sculpes o-  
 pere cælatoris Sanctum Domino, ligabisq; illam vittā hya-  
 cinthinā, & erit super thyaram imminens fronti Pontificis.

*Exod. 28.*

**B 2**

Lamina

# TESSERA PRIMA.

4

*Lamina aurea carnem Christi purissimam adumbrat.*

*Tetragrammaton nomen sanctum Domino sanctissimum nomen IESVS ad vnguem exprimit.*

*Gal. lib. 3. de arcanis.*

*Cathol. veritatis.*

*Iansenus li.*

*7 Cornelius*

*Cornelii à la*

*pide in lib.*




*Num. c. 13.*

*Tetragrammaton Symbolum Sanctissime Trinitatis.*

Lamina hæc ex auro purissimo conflata, allegoricè, carnem Christi ex purissimo sanguine immaculatæ Virginis, veluti auro mundissimo operatione Spiritus Sancti compactam adumbrat, vitta hyacinthina, quæ colorem cælestem refert, vñionem illam hypostaticam designat, quæ laminam cum thyarâ, hoc est, humanitatem Christi cum diuinitate ligat & copulat. Sanctum autem Domino nomen illud TETRAGRAMMATON laminæ aureæ impressum nomen sanctissimum IESVS ad vnguem exprimit, quod ille Sacerdos verè magnus pro maiori excellentiâ & auctoritate suâ deferret. Si enim viris doctissimis & grauissimis credimus, optimè profectò & apprimè nomen TETRAGRAMMATON, quod vulgò IEHOVA dicitur, nomen sacratissimum & diuinissimum IESVS repræsentat; sed nomen IESVS est maioris & amplioris dignitatis, sanctitatis, prærogatiuæ & auctoritatis; pluraquæ & sublimiora continet in se arcana diuina & mysteria. IEHOVA apud Hebræos tribus tantum consistat vocalibus, quæ ex naturâ suâ nomen ineffabile constituunt. Et licet quatuor litteris exprimitur (vnde TETRAGRAMMATON nuncupatur) tres tamen duntaxat litteras (quandoquidem bis vna earum in eodem nomine ponitur) non sine mysterio complectitur; quarum prima est, Iod (ordine transuerso more Hebræorum ab vltima inchoando) quæ apud Hebræos designat principium, & per hanc litteram intelligitur prima persona in diuinis, Pater videlicet æternus, à quo veluti principio primo est omnis paternitas in cælo & in terrâ. Secunda littera est He, quæ denotat vitam, seu Essentiam & existentiam rei, per quam secunda persona in diuinis Verbum scilicet diuinum, seu æterni Patris Filius designatur, per quem facta sunt omnia, & à quo habent suam existentiam, existentiam, vitam & intelligentiam vniuersal. Et hæc littera bis nimirum in secundo & vltimo loco collocatur, eam videlicet ob causam, quia Verbum incarnatum.

gemi-



geminam naturam & substantiam, geminamq; essentiam & existentiam, nempe diuinam & humanam in se complectitur. Tertia littera est Vau, quæ vinculum quoddam præfert, & hac litterâ, tertia persona in diuinis nimirum Spiritus Sanctus exprimitur, qui nihil aliud est, quam nexus quidam & complexus indissolubilis Patris & Filij vtriq; coæuus & consubstantialis. Præter has litteras & mysteria nomen sacratissimū IESVS in lingua Hebræâ habet litteram Schin  appositam, quæ in medio constituta efficit, vt nomen illud Tetragrammaton ineffabile nunc effari liberè & pronunciare possimus, loco conficti IEHOVA proferendo Iesua vel Iesuah, & per Cralim Iotue, vel quod magis litteræ consonat Iesue, quod est Iesus seu Saluator. Hæc autem dictio Hebraica  litteris suo ordine ritè dispositis crucem sacrosanctæ crucis figuram, sacraq; Crucifixi Domini nostri IESV CHRISTI stigmata conuenientissimè adumbrat. Littera verò Schin , quæ in modum lampadis ardentis efformatur, præclarè Hebræis mysterium Incarnationis Verbi diuini representat. Nam quemadmodum in hac vnâ litterâ tria distincta & diuersa puncta per vnâ lineam adunantur: pari ratione in ineffabili Incarnationis Verbi diuini mysterio, tria diuersa ac inter se multum disparata, caro, videlicet, anima & diuinitas, seu natura diuina per vnionem hypostaticam miro & ineffabili modo ad inuicem sibi consociantur, & consœderantur. Et quoniam Verbum incarnatum medium est, per quod Deum notiâ verâ & perfectâ cognoscimus: Deum enim nemo nouit vnquam ait S. Ioannes, sed vnigenitus Dei Filius qui est in sinu Patris ipse nobis enarrauit: idcirco Patribus illis antiquis ante incarnationem Christi Domini absconditum erat hoc verbum, ita vt nec intelligerent quid propriè significaret, nec scirent quomodo illud pronunciarent: at nobis in Christum credentibus reuelatum est hoc nomen, eiusq; reueratū mysterium



Littera  
Schin He-  
bræis myste-  
rium Incar-  
nationis re-  
presentat.

1. Ioan. 4.

*Lucas.**Matth. 1.**Nomina Iehoua & nominis Iesu Antithesis.**Iesus nomen excellentius & venerabilius quàm Iehoua.**Exod. 14.**Exod. 14.*

ab Angelo Gabriele Beatiss. Virgini Mariæ Incarnationem Filij Dei hunc in modum nunciante: Ecce virgo concipies & paries Filium & vocabis nomen eius IESVM, id est Saluatorem. Cuius alibi rationem reddit, cùm ad Iosephum, ait: Vocabis nomen eius IESVM: Ipse enim saluum faciet populum suum a peccatis eorum. Iehoua ergo est Symbolum & anigma nominis IESV; at nomen IESVS est Hypotyposis, seu declaratio, & illustratio nominis Iehoua: Iehoua designat Deum, quâ Dominus, & creator est: IESVS verò exprimit Deum, quâ Saluator & Redemptor omnium saluandorum est. Sicut autem maius, & excellentius est beneficium redemptionis, quàm creationis, (nihil enim nasci profuit, nisi redimi profuisset) ita maius, & excellentius est nomen IESVS, siue Redemptoris, quàm nomen Iehoua siue Creatoris. Iehoua denotat eum, qui à se habet esse, subsistens, aeternum, immensum, infinitum, & immutabile, estque idem cum eo nomine, quo se Deus nominat dicens: Ego sum, qui sum: at Iesus includit eum, & qui est à semetipso, & per semetipsum ubique subsistens, & qui erat ab æterno, & qui semper futurus est, aeternus, incommutabilis, & infinitus, & per quem facta, pacificata, ac restaurata sunt omnia, siue ea, quæ interris, siue ea, quæ in cælis sunt. Iehoua est fons & principium omnis entis, causalitatis, & perfectionis; at verò IESVS est etiam fons, & origo omnis vitæ, gratiæ, virtutis, & felicitatis. Iehoua omnia creat & conseruat; at Iesus etiam perditos saluat, mortuosque viuificat, iustificat, & beatos reddit. Iehoua debellauit, & deuastauit Ægyptum & Pharaonem; Iesus profligauit, contriuit, & spoliavit infernum, & Diabolum. Iehoua Hebræos per mare rubrum traduxit in terram Chanaan; Iesus autem per sanguinem suum, quo à peccatorum sordibus abluimur, deducit nos ad regna polorum. Iehoua fuit nomen Iudæis ineffabile; Iesus est omnibus Christianis nomen

# SACERDOTIS MAGNI.

7

men inestimabile. Ichoua nomen sanctum ac venerabile;  
 Iesus quoq; nomen est sanctum & terribile. Ichoua timor,  
 & pavor erat gentium; Iesus est terror & tremor non tan-  
 tum gentilium, verumetiam omnium inferorum. Ichoua  
 est nomen diuinitatis; Iesus verò est nomen diuinæ maie-  
 statis, & humanitatis: Ichoua est ænigma sanctissimæ Trini-  
 tatis; Iesus autem est etiam Symbolum Verbi incarnati, ar-  
 rhaboq; salutis & pignus æternæ hereditatis, omnisq; nostræ  
 felicitatis. Ipse est Alpha & Omega, principium & finis;  
 ipse est à quo, per quem, & in quo sunt omnia. Ipse est largi-  
 tor omnium bonorum liberalissimus; ipse est Author fidei;  
 ipse est Auctor, & Conseruator omnis gratiæ & virtutis; ipse  
 est fons salutis, omnisq; nostræ beatitudinis, ac felicitatis.  
 Hoc nomen IESVS celebratum est in tribus illis celeberrimis  
 Patriarchis legis veteris, quorum primus erat Iesus Na-  
 ue, dictus Iosue, qui cum hostem debellaret, solem in cælo  
 stare fecit, quique Israeliticum populum in terram promi-  
 sionis induxit. Secundus Iesus Iosue, sacerdos magnus, qui  
 anno primo Cyri Regis Persarum, cum Zorobabele tem-  
 plum Salomonis à Chaldeis dissipatum restaurauit, cul-  
 tumq; Dei mirum in modum amplificauit. Tertius Iesus  
 Sirach Doctor eximius, qui sapientiam Dei in corde suo in-  
 nouauit, quiq; cælesti doctrina filios Israel erudiuit. Omnes  
 isti typum, & figuram gessere veri Saluatoris Christi, qui  
 multo melius, & clarius, quam alij cælestem doctrinam A-  
 postolis, & Ecclesiæ sanctæ de sinu Patris susceptam reuela-  
 uit, qui cælestis Ierusalem ruinas instaurauit, qui (vt ait A-  
 postolus) multos filios ad gloriam adduxit multoq; feli-  
 citus, quam Iosue fideles suos in æterna tabernacula introdu-  
 xit. De hoc nomine vates diuino afflatus spiritu multa præ-  
 dixerunt. De isto nomine Isaias vaticinans pronunciauit:  
 Propter Syon non tacebo, & propter Hierusalem non quie-  
 scam, donec egrediatur vt splendor iustus eius, & Saluator

*Nomen IE-  
 sus in tribus  
 Patriarchis  
 est celebra-  
 tum.*

*Iosue 10.  
 Eccl 46.  
 Zach. 1.*

*Heb. 1.*

*Isaia 62.*



Hab ac. 3.

eius ut lampas accendatur. Et videbunt gentes iustum tuum, & cuncti Reges inclutum tuum. Et vocabitur tibi nomen nouum, quod os Domini nominauit. Ad hoc nomen Habacuc respexit, dum ait: Ego autem in Domino gaudebo, & exultabo in Deo Iesu meo.

## CONSIDERATIO II.

**N**Ec tantum Prophetæ, verum etiam Sibyllæ gentiles multa vaticinaturæ sunt. Hoc nomen spiritu prophético afflata Sibylla Erythrea prædicauit, quæ multos versus acrostichos composuit, quorum primæ syllabæ hæc sacra verba reddunt, ut præclare D. Augustinus in libro de ciuitate Dei declarat:

D. Aug. lib.

18. de ciuit.

Dei cap. 22.

Sibyllæ Ery-

threa vati-

cinium de

Christo, ar-

tificiosè co-

positum.

ΙΗΣΟΥΣ ΧΡΙΣΤΟΣ, ΘΕΟΥ ΥΙΟΣ, ΣΩΤΗΡ.

id est,

IESVS CHRISTVS DEI FILIVS SERVATOR.

Verſus autem Græci ut ab Eusebio referuntur sunt isti.

Ιδρωσὶ γὰρ καὶ ὡν κρείσσας ἡμεῖον ὅς ἐστι,  
 ἥξει δὲ ἐξαγαθὴν βασιλὺς αἰῶσιν ὁ μέλλων,  
 Σάρκα παρὼν κρῖναι πᾶσαν καὶ κόσμον ἀπαῖα,  
 ὅψονται ὃ θεὸν μέροσιν πρὸς τὴν ἀπῆλτον.  
 ἵψουσι μετ' ἑὴν ἀγίαν ἥτις τέρμα χρόνιο  
 Σαρκόφορον, ψυχὰς δ' ἀνθρώπων ἥτις βήματι κρινεῖ  
 Χέρσος ὅτ' ἂν ποτὲ κόσμος ὅλθῃ, καὶ ἀκατα γένηται  
 Ρίψουσι τ' εἰδωλα βροτῶν ὃ πλεον ἀπαῖα  
 ἱ χυρῶν ῥήξει τε πύλας ἐκτ' αἰδῆας  
 Σαρξ ἵσπερ πᾶσα νεκρῶν ἐς ἐλδοφύλον φάσθ' ἥξει.  
 τοὺς ἀγίους ἀπόμνησεν τὸ πᾶν αἰῶσιν ἐλέγξει  
 ὁ πᾶσα ἡ πρᾶξας ἔλαθεν ἵσπερ πάντα λαλήσει  
 Στήθεα γὰρ ῥοφούντα θεὸς φωτῆσιν ἀνείξει  
 Θρήνην τ' ἐκ πάντων ἔσθ' ὃ βρυχὸς ὀλόντων.  
 Ἐκλείψει σέλας ἡελίος, ἄσπρη χορεῖται.  
 οὐρανὸν ἐλίξει, μένῃς ὃ τε φέγγος ὀλεῖται.  
 ἵψουσι ὃ φάραγγας ὀλεῖ δὲ ὑψώματα βένων.

# SACERDOTIS MAGNI.

Ἰψὺ δ' ἐκ ἐπὶ λυγρὸν ἐν ἀνθρώποις φαίνεται  
 Ἰσα τ' ὅρη πεδίοις ἰσθ, τ' πάντα θάλασσα.  
 Οὐκ εἰς πλεῖν ἤξει, γῆ γὰρ φρυχθεῖσα κεραυνῷ  
 Σὺ πηγῶν ποταμοὶ κακλάζοντες λείψουσιν  
 Σάλπιγγ' δ' ἐρανόθεν φωνὴν πολύθρουν ἀφήσιν  
 Ὀρύσσου μύστες μέλλον, καὶ πύματα κόσμου.  
 Τὰρ βαρέον ὃ χάθ' ἵσθι δείξει γαῖα καὶ ὕδατα.  
 Ἡξοῦσι δ' ὑπὲρ βῆμα θεοῦ βασιλῆες ἀπάντες.  
 Ρεύσει δ' ἐρανόθεν ποταμὸς πυρρὸς ὅσθι γε θεῖς.

Hæc autem carmina Græca, quia Latine malè versâ, vel  
 mendosè tradita apud D. Augustinum loco supra citato ha-  
 bentur, sic emendata, & correctâ ab aliis traduntur: reddunt  
 verò prima singulorum versuum elementa hunc sensum.

IESVS CHRISTVS DEI FILIVS SERVATOR, vti  
 patet primas litteras intuentibus.

Iudicij in signum tellus sudore madescet,  
 Et Rex æternus summo descendet Olympo,  
 Scilicet ut carnem, mundumque ut iudicet omnem,  
 Vnde Deum fidi, diffidentesque videbunt,  
 Summum cum sanctis in sæcli fine sedentem.

Corpora tunc repetent animæ, quas iudicet ipse,  
 Horrebitq; iacens densis in vepribus orbis.  
 Reicient simulacra viri, gazasque repostas,  
 Incendetq; ignis terras, pontumq; polumque,  
 Sanctorum caro tunc reddetur libera luci,  
 Tartarea at semper cruciabit flamma scelestos,  
 Utq; quis occultè peccauerit, omnia dicet,  
 Sub lucemque Deus referabit pectora clausa.

Dentes stridebunt, crebrescent vndiq; luctus,  
 Et lux deficiet, solemq; nitentiaque astra  
 Inuoluent tenebræ, tum Lunæ splendor obibit.

Fossas attollet, iuga deprimet ardua, montes,  
 Impediens homines nil erit sublime, vel altum.  
 Longa carina fretum non scindet, montibus arua,  
 Ipsa æquabuntur; nam fulmine torrida tellus,  
 Vnaque & riuus, & fontes, & stagna peribunt,  
 Sidereisque sono tristi tuba clanget ab oris.

Sultorum facinus moerens, mundi que dolores,  
 Et Chaos ostendet cum panis terra dehiscens,  
 Regesque ad solium sistentur Numinis omnes,  
 Vndaque de caelo fluet ignea sulphure misto,  
 Aduoluens secum rebus quicunque caducis,  
 Terrenisque opibus sese addixere, nefandis,  
 Obstricti vitiis, supremi iudicis, æquas  
 Reddant pro meritis, cuique ut sententia, poenas.

His versibus adduntur duo ad explicandum, quis sit ille talibus versibus descriptus:

Ὅτις ὁ νῦν περὶ γὰρ ἐν ἀκροατικῇς ἢ ἡμῶν  
 Σωτὴρ ἀνὰ πάντας βασιλεὺς ὁ παθὼν ἐνεκα ἡμῶν.

Hic nunc praescriptus, per singula carmina nostra,  
 Est Rex Saluator nostro pro crimine passus.

Huius generis versibus delectatus est M. Tullius Cicero, qui in libro de diuinatione cum de Sibyllis sermonem facit, recte inde concludit non esse illud carmen furentis sed attentissimi animi, quod tum ipsum poema declarat, (est enim magis artis & scientiae, quam incitationis & motus) tum ea quae acrostichis dicuntur, cum deinceps versus litteris connectuntur, ut in quibusdam fecit Ennius. Ad hunc modum ille. His, (quæ hic ex Sibylla Erythræa retulimus) multa similia Sibylla Cumana de Christo Domino Salvatore nostro praedicauit, & inter alia (ut refert Sixtus Senensis) huius nominis sacratissimi Iesus numerum litterarum & mysticum sensum his verbis ænigmatice referauit, cum ita canit:

*Sixtus Senensis  
 in sua Bibliotheca:  
 Sibylla Cumana de Incarnatione  
 Filij Dei &  
 sacratissimo  
 eius nomine  
 vaticinium*

Tunc



# SACERDOTIS MAGNI.

11

Tunc ad mortales veniet mortalibus ipsis  
In terris similis, natus Patris omnipotentis,  
Corpore vestitus, vocales quattuor autem,  
Fert: non vocalesque duas, binum geniorum.  
Sed quæ sit numeri totius summa docebo;  
Numque octo monades, totidem decades super ista,  
Atque hecatontadas octo infidis significabit  
Hominibus nomen: tu verò mente teneto  
Æterni natum Christum, summi que parentis.

Vbi Sibylla præclare attulerit nomen Græcum ΙΗΣΟΥΣ qua-  
tuor constare vocalibus & duobus consonantibus, vocales  
sunt I, H, O, Y. Consonantes autem duo signata duorum genio-  
rum, id est, Angelorum nimirum, ut quidam autumant, Sa-  
thaelis, & Saranae, hæc enim nomina habent sigma in prin-  
cipio, vel potius illorum duorum Seraphinorum, qui cla-  
mabant alter ad alterum, & dicebant: Sanctus, Sanctus, San-  
ctus Dominus exercituum. Præterea affirmat Sanctissi-  
mum nomen continere octo monades, id est, octo unitates,  
& totidem decades, id est, octies decem, seu octoginta, &  
octo hecatontadas, id est, octies centum, seu octingenta.  
Hunc enim numerum continent Græcæ litteræ Sacratissimi  
nominis IESVS, quod Græcè scribitur ΙΗΣΟΥΣ. Nam Iota li-  
tera valet decem, Hita octo, Sigma valet ducenta, duplex  
sigma, quadringenta, Omicron septuaginta, Ypsilon qua-  
dringenta. Quos omnes numeros si collegeris in vnum, in-  
uenies octingenta, octoginta, octo; qui numerus siue sim-  
plex, siue per decem, siue per centum multiplicatus fuerit,  
est typus Resurrectionis & futuræ vitæ, atq; æternitatis. Sa-  
cro sancti igitur nominis IESVS non tantum Etymologia, sed  
& ipse quem litteris comprehendit numerus perpetuæ salu-  
tis redolet mysteria, ut docet Venerabilis Beda super Lu-  
cam C. 2. Idcirco quidam non incongruè versu dixit:

Cui tria sunt octo, Saluator sis mihi ut opto.

C 2

Non

Iesus.

iota, hita, o-  
micron, y-  
psilon.

Octonarius  
numerus ex  
nomine Iesu  
colligitur.

I. 10.

H. 8.

Σ. 200.

Ω. 70.

Υ. 400.

Σ. 200.

Symbolum  
Resurrectio-  
nis & vitæ  
æternæ.

Non voret innumerus, Cui tria sex numerus.

*Nominis Antichristi mysterium.  
Barr. ad tit. 1. lib. 9. c. 3.  
Apoc. 13.  
Quid per senarium intelligatur*

Nomen enim Antichristi proprium quod ignoratur constat litteris Græcis, quæ numerum  $\sigma. \sigma. \sigma.$  significant. teste D. Ioanne qui nomen Antichristi obscurè indicans, ait: Numerus eius sexcenti sexaginta sex. Hic autem numerus, senarius est rerum caducarū, quæ sex diebus conditæ sunt, ideoq; & Antichristo rectè competit, quia Antichristus, & Antichristiani caducis rebus erunt mancipati. Numerus verò Christi ogdoadas seu octonarios habet triplicatos, quia octonarius est numerus Circumcisionis, & Resurrectionis Christi, & futuræ vitæ: octauā enim die, id est, Dominicā, quæ septimum Sabbati diem sequitur, Christus est circumcilius, & resurrexit, & vitam beatam inchoauit. Præterea vt senarius numerus non attingit, septenarium numerum quietis; septimo enim die requieuit Deus ab omni opere quod patrārat; Sic Antichristus & Antichristiani quietem non attingent, sed æternis tormentis cruciabuntur. Octonarius verò non solum attingit, sed etiam superat, eundem septenarium numerum, estque numerus gloriæ (quæ mortis quietem sequitur) quam Christus possidet, eiusque imitatores perpetuam consequentur. Eundem octauum numerum, & eadem mysteria, in se continet nomen Sacratissimum IESVS hoc schemate expressum. Si enim in hoc schemate Græcas litteras & characteres consideremus; circulus, seu littera O, id est, omicron denotat. Septuaginta, I & H, significant decem, & octo, S. ducenta; his signum crucis inscribitur, ✠ quod constat duplici littera I, au, vnā deorsum demissā, alterā sursum erectā, quarum vnaquæque sigillatim acceptā Græcis trecenta, geminata verò sexcenta designat: hæc autem omnia simul iuncta eundem numerum, & eadem mysteria continent de quibus hic differimus. Iam verò si easdem literas & idem nomen contemplemur quatenus solaribus radiis circumfusus irradiatur



## SACERDOTIS MAGNI.

33

diatur (solet enim intra circulum radius circumdatum depingi, in cuius vertice crux vel Christi imago cruci affixa cernitur) haud etiam vacat mysterio; nam (præterquam quod ait Vates in laudem huius nominis sanctissimi: Ante solem permanet nomen eius) clarissimè declarant hi radij, quibus nomen IESV irradiatur ab eius claritate, & fulgore nominis tenebras fuisse depulsas, quæ totum terrarum orbem occupauerant; quod S. Mater Ecclesia cum Propheta, in Dominica I. Aduentus ita decantat: Ecce nomen Domini venit de longinquo, & claritas eius replet orbem terrarum. Insinuat etiam circumfusus ille radiorum fulgor eum, qui illo nomine vocatur, esse Patris æterni splendorem, in splendoribus sanctorum ante luciferum genitum. Ipse enim dicente Paulo, est splendor gloriæ, & candor lucis æternæ, immò ipse est sol verus iustitiæ oriens ex alto, & vera lux, quæ illuminat omnem hominem venientem in hunc mundum. Præterea nomen IESV radiis ornatum sursum, & deorsum, dextrorsum, & sinistrorsum depingitur, quoniam superno radiorum suorum splendore beatos illuminat, imis radiis infernum inhabitantes flammis exustos adurit; à dextrâ verò radiis erumpentibus iustorum intellectus illustrat; deniq; à sinistrâ peccatoribus lumen præbet, ne viam salutis amittant, sed tanquam sidus splendidissimum IESV nomen respicientes ad felicem salutis portum ab illo deducantur.

*Nomen IESV  
Scur radiis circum-  
fusus de-  
pingitur.  
Psal. 71.*

*Hebr. 1.*

## CONSIDERATIO III.

**H**OC sacratissimum nomen IESVS ante aduentum Christi in mundum, non fuit ita hominibus notum, immò si diuinis scripturis credimus, scimus à Patribus illis antiquis, & Patriarchis illud penitus fuisse absconditum. Dominus enim ad Moysem ipse dicit: Ego Dominus qui apparui Abraam, Isaac, & Iacob in Deo omnipotente, & nomen meum Adonai non indicaui illis. Quod sci-

*Nomen IESVS antiquis  
absconditum.*

*Exod. 6.*



licet nomen Adonai ponitur, & pronunciatur loco nominis Iehoua, quod propter suam reuerentiam omnino subtrahitur. Et quanquam nomen Iehoua Patribus sanctis in lege veteri per Moysen fuerit reuelatum, nunquam tamen nomen Iesus erat illis tam clarè, & apertè manifestatum. Hoc enim reseruarum erat legi nouæ, in qua oleum effusum nomen à sponsa nuncupatur: Oleum effusum nomen tuum. Quod cum alij Sancti Patres, & Doctores optimè de nomine Iesu intellexerent, tum præcipuè D. Bernardus qui hoc nomen dulcissimum & suauissimū oleo effuso perlimile esse prædicat dicens: Nec mirum si cum venerit plenitudo temporis facta est effusio nominis; Deo quippè, quod per Ioëlem promiserat, adimplente, & effundente de spiritu suo super omnem carnem, cum tale aliquid & apud Hebraeos legamus. Quale erat, inquam, quod discipulanti Moyli primo responsum est: Ego sum qui sum. & cui est missum ad vos. Nescio si vel ipse Moyses caperet sic, si non videlicet effunderetur. Sed infusum est, & captum est. Nec modo infusum, sed & effusum, sed nondum infusum erat. Iam cari habebant, iam Angelis innotuerat. Est autem, foris mihi, & quod Angelis ita erat infusum, ut esset & priuatum; effusum & inter homines est, ita ut iam tunc meritò clamaretur de terrâ: Oleum effusum nomen tuum. Si non ingrata plebis exosa peruicacia obstitisset. Vnde etiam mox exclamat idem dicens: Currite gentes, ad manum est salus, effusum est nomen, quod quicumque inuocauerit saluus erit. Angelorum, Deus, etiam hominum Deum se nominat. Oleum misit in Iacob, & cecidit in Israel. Dicite fratribus vestris; Date nobis de oleo vestro; si nolunt; rogate Dominum olei, ut mittat & vobis. Dicite, aufer opprobrium nostrum. Ne quæso insultet maleuolus dilectæ tuæ, quam à finibus terræ euocare placuit tibi tanto utique dignantius, quanto minus dignam. Deceatne obsecro ut benignum patrisfamilias inuitatos

*Nomen Iesu oleum effusum nuncupatur.*  
Cant. 4.  
D. Ber. ser.  
15. in Cant.

*Ioel. 2.*

*Exod. 14.*

*Bernard.*  
*ibidem.*

tatos seruus nequam excludat? Ego sum ait Deus Abraam, & Deus Isâac, & Deus Iacob. Et non ampliùs? Effunde, effunde, aperi manum tuam adhuc & imple omne animal benedictione. Veniant ab oriente, & occidente, & recumbent cum Deo Abraam, Isâac, & Iacob in regno cælorum. Veniant tribus tribus Domini: testimonium Israel ad confitendum nomini Domini. Veniant & recumbant epulentur, & delectentur in latitiâ, & vnus vbiq; resonet in voce exultationis & confessionis sonus epulantis: oleum effusum nomen tuum. Et paulò post idem subdit. Agnosco nomen, quod in Isaiâ legi: Seruos suos inquit vocauit nomine alio, in quo qui benedictus est super terram benedicetur in Domino. O nomen benedictum. ô Oleum vique quaque effusum. Quouique? De cælo in Iudæam, & inde in omnem terram excurrit, & de toto orbe clamat Ecclesia: Oleum effusum nomen tuum. Effusum planè, quod non solum cælos terrasq; perfudit; sed aspsit & inferos, ad cò vt in nomine IESV omne genu flectatur, cælestium, terrestrium, & infernorum, & omnis lingua confiteatur, & dicat: Oleum effusum nomen tuum. Ecce Christus, ecce IESVS, vtrumq; infusum Angelis, vtrumque effusum in homines, & illos homines, qui putruerunt vt iumenta in stercore suo: homines, & iumenta saluans quemadmodum multiplicasti misericordiam tuam Deus. Quim carum, quàm vile; vile, sed salutare; si vile non esset, non mihi eni underetur; si salubre non esset, non me lucraretur. Particeps nominis sum, sum & hæreditatis. Christianus sum; frater Christi sum. Si sum, quid dico, hæres Dei sum, cohæres autem Christi. Et quid mirum si sponsi effusum est nomen, cum ipse quoque effusus sit? Nam semeipsum exinaniuit, formam serui accipiens. Denique ait: Sicut aqua effusus sum. Effusâ est plenitudo diuinitatis habitans super terram corporaliter, vt de illâ plenitudine omnes, qui corpus mortis gestamus, caperemus, ac vi-

tali

*Isaia. 65.**Philip. 2.**Rom. 8.**Psal. 41.*

tali odore respersi diceremus: Oleum effusum nomen tuum. En qualiter, & quatenus effusum. Cur verò oleum? Est proculdubio (pulchrè ait idem, mellifluus doctor) inter oleum, & nomen sponsi similitudo, nec otiose Spiritus S. alterutrum comparauit. Ego autem dico in triplici quadam qualitate, olei, quod lucet, pascit & vngit. Fouet enim ignem, nutrit carnem, lenit dolorem; lux, cibus, medicina, vide idem, nunc de sponsi nomine. Lucet prædicatum, pascit cogitatum, inuocatum lenit, & vngit. Et percurramus singula. Vnde putas in toto orbe tanta, & tam subita fidei lux nisi prædicato IESV? Nonne in huius nominis luce Deus nos vocauit in admirabile lumen suum, quibus illuminatis, in lumine videntibus lumen, dicat meritò Paulus: Fuistis aliquando tenebræ, nunc autem lux in Domino.

*Est & cibus*

Nec tantum lux est nomen Iesu, sed est & cibus. An non toties confortaris, quoties nominis IESV recordaris? Quid æquè cogitantis mentem impingat? Quid ita exercitatos reparat sensus, virtutes roborat, vegetat mores bonos, atq; honestos, castas fouet affectiones? Aridus est omnis animæ cibus, si non oleo isto perfunditur. Insuper est, si non hoc sale conditur, Si scribas non sapit mihi, nisi ibi legero IESVM. Si disputes, aut conferas, non sapit mihi, nisi sonuerit tibi IESVS. IESVS mel in ore, in aure melos, in corde iubilus. Sed est & medicina. Tristatur aliquis nostrum? Veniat in cor IESVS, & inde saliat in os, & ecce ad exortum nominis lumen, nubilum omne dis fugit, redit serenum. Labitur quis in crimen, currit insuper ad laqueum mortis desperando; nonne si inuocet nomen vitæ, confestim respirabit ad vitam? Cui aliquando stetit ante faciem salutaris nominis duritia (ut asolet) cordis, ignauia torpor, rancor animi, languor acedia? Cui tons fortè siccatus lachrymarum, inuocato IESV non continuo erupit vberior, fluxit suauior? Cui in periculis palpitanti, & trepidanti inuocatum virtutis nomen non statim fduciam

*Nominis Iesu virtus.*

*D. Bernardus loco supra citato.*

*Nomen Iesu est oleum effusum quia lucet, pascit & vngit.*

*Nomen Iesu est lux mundi.*

*Est & medicina.*



duciam præstitit, depulit metum? Cui quæso in dubiis æstu-  
anti, & fluctuanti non subito ad inuocationem clari nominis  
emicuit certitudo? Cui in aduersis diffidenti iam, iamq; de-  
ficiendi, si nomen adiutorij sonuit, defuit fortitudo?

Nimirum morbi & languores animæ isti sunt, illud me-  
dicina. Nihil sanè ita medetur omnibus animi languoribus,  
& infirmitatibus nostris quàm nomen IESVS, quod suapte  
impetum iræ cohibet, superbiam tumorem sedat, sanat liuoris  
vulnus, restringit luxuriæ fluxum, extinguit libidinis flam-  
mam, sitim temperat auaritiæ, ac totius indecoris fugat pru-  
riginem. Si quidem cum nomino IESVM, hominè mihi pro-  
pono mitem, & humilem corde, benignum, sobrium, castum,  
misericordem, & omni honestate, ac sanctitate conspicuum,  
eundemque ipsum Deum omnipotentem, qui me suo exem-  
plo sanat, & roborat adiutorio. Hæc omnia mihi simul in-  
sonant, cum insonuerit IESVS. Hactenus D. Bernardus. *Quæ*  
cum ita se habeant, tacitus præterire non possum, quod etiam  
Theodoretus hoc in loco aduertit, non absque mysterio à  
sponsâ vocatum fuisse nomen sponsi, non solum oleum, sed  
oleum effusum. Nam quemadmodum oleum rosarum, vel  
alterius odoriferi liquoris, dum vase clauditur, quasi nullum  
exhalat odorem; ubi autem diffunditur, & præsertim si vas,  
in quo erat rumpitur, protinus flagrans odor, & suauitas,  
ad omnium olfactus transmittitur; ita Christus ante suam  
passionem paucis erat notus, erantque rarissimi, quibus ille  
odorem suum comunicauit; sed postquam vas sacratissimi  
sui corporis in circumcisione capit referari, & clauorum atq;  
lanceæ fixatione pertorari, (vnde iuuissimi duo illi liquores  
sanguinis & aquæ effluerunt, de quibus scriptum est: Et  
continuo exiuit sanguis & aqua) statim à multis fuit cog-  
nitus, & in primis ab ipso dicente Centurione: Verè filius Dei  
eratisse; deinde & aliis innotuit, qui poenitentiam ducti, quod  
hominem tantæ dignitatis & auctoritatis tam indigne tra-  
ctarent, reuertebantur percutientes pectora sua. Quod ma-

*Theodoret.*

*Ioan. 18.  
Matth. 2.*

*Ambros. lib.  
de Spiritu  
sancto. c. 7.*

*Idem lib.  
3. de Virg.*

nifestum est indicium, odorem suæ diuinitatis in vase illo sacratissimo latentis iam effusum ad ipsos peruenisse. Quæ omnia S. Ambrosius libro de Spiritu S. breuiter ita explicauit: Christi nomen ante eius aduentum quasi vase cludebatur, cum esset tantum notus in Iudæa Deus; postea verò diuinum suum nomen extendit, ut esset admirabile in vniuersa terrâ. Et alibi idem ait: Semper quidem vnguentum hoc erat, sed erat apud Patrem, erat in patre; olebat tantum Angelis, & Archangelis: descendit filius, & repleta sunt omnia nouo odore. Hæc ille.

### CONSIDERATIO IV.

*Nomen Ie-  
sus propriè  
Deo attri-  
buitur.  
Isaia 6.*

*Isaia 46.*

*Osea 3.*

*Salutem da  
re quid sit.*

**S**Ed omiſſis Hebræorum, & Græcorum arcanis, de quibus iam multa diſſeruimus, explorandum eſt, cur hoc nomen in ſuo prototypo ſanctum Domino fuerit appellatum, laminaque aurea inſculptum, & in fronte ſummi Pontificis ſuſpenſum? Si enim attentius & altius rem conſideremus, haud immerito hoc nomen ſanctiſſimū, ſanctum Domino dicitur; ſoli enim Deo, qui eſt verus Dominus, & cui Seraphim: Sanctus, Sanctus, Sanctus Dominus proclamant, hoc nomen propriè attriluitur, nec vlli alteri præter ipſum conuenit. Ideoque de ſe ipſo apud Iſaiam ait: Ego ſum Dominus, & non eſt aliq; me Saluator. Et apud Oſeam: Ego ſum Dominus Deus & Saluator non eſt præter me. Idem igitur eſt Deus, qui & Saluator, nec quiſquam ſaluare, vel ſalutem dare poteſt præter ipſum Deum. Qui enim ſaluat, & dat ſalutem, idem dat vitam & eſſe. Salus enim dicit vitam perfectam, cum omni integritate, & ſine villo defectu. Qui autem dat ſalutem aliis, vitam, & eſſe; neceſſe eſt ut de ſe habeat ſalutem, vitam, & eſſe; quia vnum includit per ordinem aliud, & vltimum comprehendit omnia tria præcedentia. Quamuis autem ſicut Pater in diuinis, ita & Filius, & ſpiritus Sanctus non excludantur ab hoc nomine, quia Saluator Pater, Saluator Filius, Saluator Spiritus Sanctus

ctus; etsi non tres Saluatores, sed vnus Saluator, cū sit vna, & eadem in Tribus natura, & potentia saluandi: peculiari tamen ratione hoc nomen soli Filio attribuitur, inquantū est Verbum incarnatum, per quod in humanitate assumptā perfecta est tota nostra salus, & redemptio. Neq; enim peccatores saluare potuisset nisi esset Deus & homo; Deus qui saluare posset: homo qui pateretur & iustitiæ diuinæ satisficeret. Quod scire sanè, & eleganter Dionysius Carthusianus expressit, qui Saluatorem triplici ex ratione dici aſſerit. Primò à potentiā saluandi; sicque conuenit hoc nomen sibi ab æterno secundū diuinitatem; & hoc modo non tantū Filio competit, sed etiam Patri, & Spiritui sancto, & ex æquo toti sacrosanctæ, & indiuiduæ Trinitati. Secundò ab habitu, seu a gratiā saluandi; & sic impositum fuit illi hoc nomen ab Angelo, & competit sibi ab instanti conceptionis, in quo secundū humanitatem accepit gratiam tam perfectam, quā postea fecit ea, per quā actualiter mundum saluauit. Tertiò ab actu saluandi, & hoc modo vocatum est nomen eius IESVS in Circumcisione, competitque soli Christo, respectu totius suæ vitæ, mortis ac passionis. Hæc Dionysius. Vnde & illud non caret mysterio quod hoc nomen laminæ aureæ insculptum sit; inde enim patet quod hoc sanctissimum nomen sacratissimæ Christi humanitati cum in suā gloriosā Circumcisione, tum maxime in suā dirisimā Passionem impressum, ac insculptum fuerit. Enimuerò cum reliquos titulos, vt potè Deus, Verbum, Creator, & his similia iure diuinitatis acceperit; at hoc sacratissimum nomen a maximo opere sumptum est. Cæli enarrant gloriam Dei, canit vates: & nomen IESVS enarrat non tantū gloriam Dei, sed etiam salutem à Christo Domino per Crucem & Passionem hominibus allatam. Opera manuum Dei annunciat firmamentum, verū maiora opera annunciat nomen IESVS; annunciat enim manus pedesque Christi fuisse clauis confixos, caput spinis coronatum, latus lancea perforatum,

*Dion. Carr  
ser. de Cir-  
cumcisione.*

*Nomen Ie-  
sus sacratis-  
sime huma-  
nitati Chri-  
sti impres-  
sum a maxi-  
mo opere  
sumptū est.*

*Psal. 18.*

*Nomen Iesu  
Christum*



*clavis confi-  
xum, flaget  
latum, &  
spinis coro-  
natum an-  
nunciat.  
1. Mach. 6.  
Nomen Je-  
sus pluris du-  
cit Christus  
quàm alia  
nomina.*

totumq; corpus eius pro salute humanâ vul neratum. Quare multò verius de illo, quàm de Eleazaro Machabæo dici illa verba possunt: Dedit se vt liberaret populum suum, & acquireret sibi nomen æternum. Hinc est quod Dominus noster IESVS Christus gloriosissimum IESV nomen multò pluris ducit, quàm reliquos titulos quantumvis gloriosos, & illustres. Causa in promptu est; quia generosi, & excelsi animi pluris solent æstimare ea, quæ proprio Marte, & virtute parantur, quàm illa, quæ iure hæreditario à parentibus conferuntur. Vnde legimus Patriarcham Iacob nomen Israël accepisse, quia fortiter, & strenuè luctatus est cum Angelo. Pari ratione caput Ecclesiæ Beatus Petrus Apostolus, relictò nomine Simonis, quo prius vocabatur, Petri nomen à Christo impositum accepit. Quoniam constantiâ fidei inter alios Apostolos excelluit. Eodem modo Duces, Reges, & Imperatores insignes, de signis hosti erepris, decopiis in fugam conuersis, de Prouinciis superatis, aliisque rebus à se feliciter ac fortiter gestis libentiùs, quàm de maiorum stemmatibus, & imaginibus gloriari consueuerunt. Hac de causâ Scipionum vnus Africanus, alter Asiaticus dici voluit, eò quod ille Africam, hic Asiam debellauit, Romanoque imperio subiugauit. Hac de causâ Iustinianus Germanicus appellatus est, quia Germaniam superauit; & Titus Manilius Torquatus nominatus est, quia Torquem auream, fortissimo militi in prælio vi extorsit. Hæc eadem de causâ Christus Dominus IESVS, id est, Saluator dicitur, quia salutem toti humano generi proprio sanguine, & vitâ comparauit. Reliqua Christi nomina, quibus appellatur Filius Dei, Splendor gloriæ, Verbum, Patris Sapientia, Veritas, Virtus Omnipotentis, Hæres vniuersorum, Rex regum, Dominus dominantium, & his similia à diuinâ naturâ trahunt originem, & Christo ab ipsâ naturâ iure hæreditario ratione diuinitatis conueniunt; at præclarissimū IESVS nomen, proprio merito, & virtute acquisiuit; ob idque cæterorum immemor hoc potissimum

*Immemor  
sui proprii*

num gaudet appellari. Hanc causam arbitror esse, propter quam etsi reliqua nomina reliquerit; hoc nunquam dimiserit; quin in cruce pendens, illud tanquam totius ignominiae suae gloriam, dolorumq; omnium solatium retinuerit. Potuit hostium suorum furor, & immane odium vestibus eum spoliare; potuit malitia Iudæorum honorem suum obscurare: potuit crudelitas sanguinem suum exhaurire, ac tandem mortem acerbissimam sibi inferre; nomen autem IESVS, quod vocatum fuerat ab Angelo, antequam in vtero conciperetur, nullo penitus modo potuit eripere, neq; abolere. Conabatur quidem gens illa perfida, & impia nomen IESVS abradere, & perpetuam ignominiam illud obruere, perpetuamq; obliuioni tradere: vnde vt dicebat: Eradamus eum de terrâ viuentium, & nomen eius non nominetur amplius. At nomen IESVS Sanctum, voluit Deus esse perpetuum, & aeternum, ideoq; pyramidi, & columnæ crucis imponi voluit illum Titulum: IESVS Nazarenus, Rex Iudæorum. Quod ita feliciter factum est, vt huius nominis gloriam, nec tempus edax rerum, nec ipsa inuidiosa vetustas, nec longa temporum series obruerit, nec obliuio depresserit, nec inimicorum suorum infestus furor de illo triumphauerit: immò etiam illis reluctantes, & inuitis, per omnium ætatum, & sæculorum tempora permanebit, gloriosum cælo, & terræ omnibusque potestatibus tremendum, ac venerandum, non solum in hoc sæculo, sed etiam in futuro. Solent ciuiliū officiorum, & Magistratuum, nomina qualia sunt Consul, Prætor, Aedil, Rex, Imperator, quando ab ipso officio amouentur, pariter & ipsa deponi & aboleri; at nomen IESV, id est, Saluatoris, etsi officij nomen concedamus; non tamen consummato redemptionis opere illud deposuit, neque dereliquit. Quin etiam quaesitus à Paulo, & rogatus; Quis es Domine? non respondit (vt alia eius nomina modo taceam) Ego sum, qui sum: Ego sum alpha, & omega; Ego sum via, veritas, & vita. Ego sum Deus

*merito &  
virtute  
Christus  
acquisiuit.*

*Hier. 2.*

*Nomen Ie-  
sus voluit  
Deus esse  
perpetuum.  
Iean. 19.*

*Act. 9.  
Exod. 3.*

D;

for-

Apoc. i.  
14129.

fortis 7 elotes, Pater futuri sæculi, Princeps pacis: quibus titulis sapientis aliàs vsus fuerat; sed relictis omnibus his tam amplis, & honorificis titulis: Ego sum, inquit, IESVS quem tu persequeris. Causa verò ob quam Christus antiquissimis, & gloriosissimis Dei titulis postpositis, quibus poterat nominari, IESVS nomen prætulit, ea certè est, quam insinuavi, quia hoc nomen proprio sanguine, ac morte sibi comparavit, reliqua autem iure hæreditario vna cum diuinitate à Deo Patre accepit,

## CONSIDERATIO V.

Nomente-  
sus omnia  
nomina trās-  
cendit.  
Ad Phil. 2.

**S**ed quid est, quod hoc nomen Sacratissimum super thyraram suspendi, & in fronte Summi Pontificis deferri Deus præceperit? Venerabilis Beda existimat Deum, præcepto illo significare voluisse, sicut excellentia Dei omnia transcendit, iuxta illud: Excelsus super omnes gentes Dominus, & super cælos gloria eius; ita pariter illius nomine omnia, quæcunq; nomina superari. Cui conionat excellentissimum vas Diuus Paulus, qui hoc nomen coram regibus, & gentibus portabat & exaltabat dicens: Christus factus est pro nobis obediens vsque ad mortem, mortem autem crucis. Propter quod Deus exaltauit illum, & dedit illi nomen, quod est super omne nomen, ut in nomine IESV omne genu flectatur, cælestium, terrestrium, & infernorum, & omnis lingua confiteatur, quia Dominus noster IESVS Christus est in gloria Dei Patris. O quàm magnum & præclarum est hoc nomen, o quàm sublime & excellens, o quàm tremendum & super omnia venerandum, cui in genua procumbunt Cherubim & Seraphim; cui prosternuntur Archangeli, Throni, Dominationes, Principatus, Potestates, omniumq; cælorum Virtutes; cui Reges scepra, Imperatores diademata; Pontifices thyaras, Seniores coronas submitunt, quo audito ipsi Principes & Rectores tenebrarum, omnesque Tartarei spiritus terrentur, horrent, contremiscunt, contunduntur, & in fugam



# SACERDOTIS MAGNI.

23

fugam conuertuntur. Quid igitur hoc nomine potest esse maius & præclaritius? quid dici præstantius? quid cogitari sublimitis aut magnificentius? Non defuerunt Ethnicis & gentilibus olim fortunata quædam, & boni ominis nomina; ut Macrinus, Lucrinus, & similia: fuere quædam suauia & iucunda; ut Narcissus, Cyparissus, Eurilaus, Earinus, de quibus Martialis illud ait.

*Marr. lib. 9  
Epig. 8.*

Nomen cum violis, rosisque natum,

Nomen nectare dulcius beato.

Fuerunt quædam augusta, & in summo pretio ac veneratione habita, ut Augustus, Antoninus, & id genus alia: sed quid sunt hæc omnia, si cum nomine IESV conferantur? in quo est felicitas & beatitudo æterna, suauitas & iucunditas infinita, dignitas, & Maiestas immensa. Valeant Macrini Lucrini, marcescant Narcissi & Cyparissi, obsoleant Augusti, & Antonini: vnum sanè tantum est cunctis populis, & gentibus fortunatissimum, suauissimum, optatissimum, & augustissimū IESVS nomen, in quo omnium bonorum, quæcunque optari & desiderari possunt, summa & complexio continetur. Non defuere & Diis gentilibus præclarissima & celeberrima nomina, quæ illi præci Poëtæ, & Oratores magnifico ore suo propalabant: at ubi nunc est eorum splendor, & honor? Iacet nunc Iouis Capitolini nomen: iacet nomen Apollinis, Martis, Mercurij, Saturni; iacet nomen Iunonis, Dianæ, cæterorumque Deorum, vel potius Dæmonum nomina, nihil honoris, nihil venerationis habent: omnia hæc (quin & ipsa gentilia simulacra) hoc ipsum nomen gloriosissimum obruit, & aboleuit. Nulla iam penè est sub sole gens tam fera & barbara, quæ huic gloriosissimo nomini genu suum non flexerit, nulla tam stolta & impia, quæ hoc sacratissimum nomen non inuocauerit, & non magnificauerit. Quare non immerito apud Prophetam, magnum est in gentibus nomen meum dicit Dominus. Olim cum solum

*Nomen Iesu  
fortunatissi-  
mum, sua-  
uissimum.*

*Nomen Ie-  
sus omnia  
Deorum ge-  
ntilium no-  
mina & si-  
mulacra a-  
boleuit.*

*Malach. 1.*

*Psal. 25.**Psal. 112.**2 Reg. 7.**Nomen Iesu  
nomina Re-  
gum supe-  
rat.**Psal. 143.**Nomen Iesu  
omnia no-  
mina An-  
gelorum an-  
tecedit.**Ephes. 1.**Hebr. 1.*

gnum nomen eius: nunc verò, vbi in vniuerso orbe annun-  
ciatur Christiana fides, admirabile est nomen IESV in vni-  
uersâ terra; & à Solis ortu vsque occasum laudabile nomen  
Domini. Non desunt & modo mortalibus splendidissimi,  
ac illustrissimi tituli, Magnatum, Regum, Imperatorum,  
Ducum, Principum, Procerum; de quorum numero ille e-  
rat, cui dictum est à Domino: Feci tibi nomen grande iuxtâ  
nomen magnorum, qui sunt interrâ; hanc tamen Magna-  
tum, Imperatorum, Regum, Principum dignitatem, & emi-  
nentiam, superat nomen IESV; vt potè quod à Regibus, &  
principibus & aliis omnibus cuiuscunque fuerint status, &  
conditionis piè coli, & venerari ab eodem rege, & Prophetâ  
his verbis iubetur: Reges terræ, & omnes populi; Principes,  
& omnes iudices terræ, iuuenes & virgines, senes cum iunio-  
ribus laudent nomen Domini; quia exaltatum est nomen  
eius solius. Sunt & Spirituum cælestium nobilissima, & ex-  
cellentissima nomina scilicet Angelorum, Archangelorum,  
Principatum, Dominationum, Virtutum, Potestatum, Thro-  
norum, Cherubinorum, Seraphinorum, omnia tamen hac  
gloriosissimum, & excellentissimum nomen IESV excellit,  
atq; antecedit; quem (teste Apostolo) Deus Pater à mortuis  
suscitauit, & constituit in cælestibus supra omnem Principa-  
tum, & Potestatem, & Virtutem, & Dominationem, & om-  
ne nomen quod nominatur non solum in hoc sæculo, sed  
etiam in futuro: Tantoque (vt ait idem Apostolus) melior  
Angelis est effectus, quanto di-ferentius nomen præ illis  
hæreditauit. Nullum igitur superest tam illustre, & glo-  
riosum nomen, nulla tam sublimis potestas in cælo, & in  
terrâ, nulla tam excellens gloria, & virtus, quæ cum excel-  
lentissimo, & gloriosissimo nomine possit comparari.  
Quantum enim Angelicam naturam excedit natura diuina  
quæ in Christo est: tantum sacratissimum, ac diuinissimum  
nomen IESVS, reliquas omnes appellationes Angelorum an-  
tecellit. Exant præterea & alia præstantissima, summâq;  
& omni

& omni veneratione dignissima Dei nomina (quæ à S. Hieronymo Epistola ad Marcellam enumerantur.) Tale est Heloim, quod interpretatur Deus meus: tale Adonai, hoc est, Dominus meus; tale est Sadai, quod idem est, quod sufficiens ad omnia; tale est Sabaoth; tale est Terragrammaton, illud & ineffabile, quod vulgò Iehoua dicitur; verum omnium præstantissimum, & dignissimum est Sacrosanctum nomen Iesus, quod maiori veneratione, quam omnia alia nomina colit Sancta Ecclesia. Inueniuntur adhuc alia plurima nomina, quæ Messiae in scripturis propriè attribuuntur: huiusmodi sunt illa quæ recenset Isaias dicens: Et vocabitur nomen eius admirabilis, Consiliarius, Deus fortis, Pater tutus, faculi, Princeps pacis. Habet & alia cognomina, quæ sparsim in Scripturâ sacrâ reperiuntur. Vocatur enim Lux, Sol, Stella, Thesaurus, semen, flos, arbor, lapis, petra, fundamentum, Aquila, Leo, Agnus, vitulus, Via, Veritas, & Vita, Sapientia, Virtus, & Fortitudo Dei; Habet & alia magis sibi propria Epitheta. Cum enim immensum, ac penè infinitum sit opus, & officium, & beneficium erga nos Saluatoris nostri, non vno verbo potest exprimi; ideoq; sacræ Scripturæ tot cumulant Epitheta, totque gloriosos congerunt titulos, ut officium, & beneficium erga nos Christi exprimant. Nunc igitur vocant eum Mediatorem, nunc Propitiatorem, nunc Redemptorem, nunc Iudicem, nunc Testem, nunc Accusatum, & Defensorem; quandoque Fratrem, Patrem, Magistrum, Ducem, & Pastorem, nonnunquâ Dominum, Regem, Sacerdotem, quæ omnia & his similia hoc amplissimè nomen Iesus virtute suâ in se complectitur. Quemadmodum enim flumina intrant mare; ita omnia nomina quæ Christo in scripturis sacris attribuuntur in hoc nomen ingrediuntur ait Bernardus. Enimvero quis ita est admirabilis sicut Iesus, qui admirandum in modum, & præter omnem spem, & opinionem Iudeorum, salutem mundo attulit? Quis tam bonus Consiliarius sicut Iesus, qui eximia præcepta, & consi-

*S Hier. Epist.  
136. ad Mar  
cellam.*

*Nomen Ie-  
sus omnibus  
aliois diuinis  
nominibus  
præstat.*

*Isaia 9.*

*Epitheta  
Christi  
S. Iulio.*

*Laudes no-  
minis Iesu.*



*Bernar. ser.  
4. in vigil.  
Natiuit.*

*Encomia no  
minis Iesu.*

lia dedit hominibus? Quis tam fortis Deus sicut IESVS, qui mundum, mortem, infernum debellauit, omnesque hostes salutem humanam aduersantes superauit? Quis etiam Pater futuri sæculi est, nisi IESVS, qui salutem omnium sæculorum peperit? Quis princeps pacis nisi IESVS, qui omnia bella, & lites extinxit, & omnia siue ea, quæ in terris sunt, siue quæ in cælis sunt, per sanguinem suum pacificauit? IESVS ut ait, Bernardus, Admirabilis est in Natiuitate, Consiliarius in prædicatione, Deus in operatione, Fortis in Passione, Pater futuri sæculi in Resurrectione, Princeps pacis in beatitudine. Quid plura referam? IESVS est lux, quæ illuminat, omnem venientem in hunc mundum. IESVS est sol iustitiæ, qui solus lucet, qui solus illuminat, & viuificat omnia. IESVS est stella non erratica, sed fixa, & immobilis, quæ nunquam errat, nunquam cadit, quinimmo nos ne cadamus, & erremus sustinet. IESVS est Thesaurus infinitus, sed non nisi à paucis cognitus & expetitus. IESVS est semen, paruum quidem externæ specie, sed tantæ virtutis, ut excreseat in arborem magnam, & terram omnem repleat; ita ut volucres cæli homines nimirum sublimes ingenio, & contemplatiui veriant, & sub ramis eius requiescant. IESVS est flos odoriferus, ex quo apes sanctæ, hoc est, animæ piæ & deuotæ colligunt mel spirituales dulcedinis, & consolationis. IESVS est arbor vitalis, quam qui gustat non moritur in æternum. IESVS est petra, quæ firmat omnes in se credentes. IESVS est lapis angularis, qui Iudæos, & gentiles fecit vnum. IESVS est fundamentum Religionis nostræ, totiusque spei & salutis. IESVS est fons viuus, præbens aquam vitæ æternæ, omni animæ sitienti. IESVS est Aquila super omnes Angelorum choros exaltata. IESVS est Leo, qui draconem infernalem vicit, omniaque in cælo, & in terra potestati suæ subiugauit. IESVS vitulusest pro peccatis nostris immolatus. IESVS est Agnus qui tollit peccata mundi ab origine mundi occisus. IESVS est via patens, quæ ducit ad cælum. IESVS est veritas ab omni mendatio aliena. IESVS est vita.

vita, quâ omnia viuunt, quæ de morte triumphauit, quæ homines mortales efficit immortales. Iesus est Sapientia æterna, ex corde Patris nata, quæ hominibus quotidie reuelat arcana & mysteria. Iesus est virtus & Fortitudo Dei, sine quâ nihil vnquam factum est, nec fit, nec fiet visibile, vel inuisibile: & vt rem paucis complectar: Iesus est omnia omnibus, & omnia in omnibus. Mediator est, quia pacem inter Deum, & homines restaurauit. Propitiator est, quia peccata remittit. Redemptor est, quia peccatores à morte æternâ & tyrannide Diaboli redemit. Iudex est, quia rebelles castigat, & fragiles atque infirmos absoluit. Testis est, quia nos coram Patre excusat. Aduocatus est, quia causam nostram coram diuinæ iustitiæ tribunali peragit. Defensor est, quia aduersus Diabolum nos defendit. Frater est, quia nos in partem suam vocauit. Pater est, quia nos hæredes regni cælestis constituit. Magister est, quia Dei viam in virtute & veritate docet. Dux est, quia exemplo suo ab impietate nos reuocat. Pastor est, quia nos corpore suo, & sanguine pascit. Rex est, quia omnia regit, conseruat & gubernat. Dominus est quia in necessitatibus nostris nobis opitulatur. Sacerdos est, quia seipsum sacrificat, salutemq; omnium operatur, & vitam æternam omnibus elargitur. Tàm igitur est præclarum, & magnum hoc nomen, tàm sublime, & excellens, tàm potens & salutare, vt totum sit sanctum, totum diuinum, totum salutiferum, totum mysteriis, & maiestate plenum, totum amabile, totum delectabile, & desiderabile. Et quis dignis laudum Encomiis, hoc Sacratissimum & gloriosissimum nomen prædicare sufficiat? Hoc est illud nomen, quod à Deo ab æterno fuit prædestinatum, à Patribus sanctis desideratum, à Prophetis prophetatum, in Patriarchis antiquis præsignatum, Diuino ore nominatum, ab Angelis diuulgatum, à Sacratissimâ Virgine Mariâ prædicatum, ab Apostolis magnificatum, à Martyribus testificatum, à Confessoribus collaudatum, à Virginibus tanquam oleum

*Iesus est omnia omnibus.*

*Prærogatiua & excellentia nominis Iesu.*

*Mal. 1.**Psal. 110.**Exod. 5.**Prouer. 8.**Corint. 6.**Act. 10.*

effusum prægustatum, & ab omnibus fidelibus adoratum. Hoc est illud nomen magnum, de quo per Prophetam: Magna nomen meum in gentibus, dicit Dominus. Hoc est illud nomen sanctum & terribile, de quo Psaltes canit: Sanctum & terribile nomen eius. Bonis quidem & sanctis sanctum, charum, dulce, suauis, & amabile: at malis & impiis tremendum, horrendum, & formidandum, vtrisque verò semper & ubiq; admirandum, reuerendum ac venerandum. Hoc etiam nomen est illud præpotens, de quo Moyses in Exodo ait: Dominus quasi vir pugnator omnipotens nomen eius, curru Pharaonis & exercitum eius proiecit in mare. Hoc est illud nomen, quod contra omnes hostiles astus præstat, remedium præsentissimum, & præsidium tutissimum: ideoque sapiens rectè & sapienter ait: Turris fortissima nomen Domini; ad ipsum iustus currit, & exaltabitur. Hoc nomen est; quod dedit cæcis vñum, surdis auditum, claudis curium, sermonem mutis, vitam mortuis, totamq; potestatem Diaboli ab obsessis corporibus effugauit. Hoc est nomen quod iustos sanctificat, & ex peccatoribus iustos facit: Abluti estis (ait Apostolus) iustificati, & sanctificati in nomine Iesu. Huic omnes Propheta perhibent testimonium, accipere remissionem peccatorum per nomen eius. Hoc nomen est virtus in salutem omni credenti. Et omnis quicumq; inuocauerit nomen Domini saluus erit. Suauitatem quoq; huius nominis nullus exprimere valet, cum illud sit certissimum quod B. Bernardus in laudem huius nominis suauissimi inter alia canit:

**I**ESU dulcis memoria,  
 Dans vera cordis gaudia:  
 Sed super mel, & omnia,  
 Eius dulcis præsentia,  
 Nil canitur suauius,  
 Nihil auditur iucundius,

Nil



Nil cogitatur dulcius,

Quam IESVS Dei Filius.

IESVS spes poenitentibus,

Quam pius es petentibus,

Quam bonus te quærentibus,

Sed quid inuenientibus?

IESV dulcedo cordium,

Fons viuus lumen mentium,

Excedens omne gaudium,

Et omne desiderium.

Nec lingua valet dicere,

Nec litera exprimere,

Expertus potest credere,

Quid sit IESVM diligere. & paulò post.

Amor IESV dulcissimus,

Et verè suauissimus,

Plus millies gratissimus,

Quam dicere sufficimus.

Hoc probat eius passio

Hoc sanguinis effusio,

Per quam nobis redemptio

Datur, & Dei visio.

IESVM omnes agnoscite,

Amorem eius poscite,

IESVM ardenter quærite,

Quærendo inardescite.

Sic amantem diligite,

Amoris vicem reddite,

In hunc odorem currite,

Et vota votis reddite.

IESVS auctor clementiæ,

Totius spes lætitiæ,

Dulcoris fons, & gratiæ,

Veræ cordis delitiæ. & iterum.

D<sub>3</sub>  
E

Cum

TESSERA PRIMA

Cùm dignè loqui nequeam,  
De te tamen ne sileam,  
Amor facit vt audeam,  
Cùm de te solùm gaudcam.

Tua IESV dilectio,  
Grata mentis refectio,  
Replens sine fastidio,  
Dans famem desiderio.

Qui te gustant esuriunt,  
Qui bibunt adhuc sitiunt.  
Desiderare nesciunt,  
Nisi IESVM quem diligunt.

Quem tuus amor ebriat,  
Nouit quid IESVS sapiat,  
Quam felix est quem faciat,  
Non est vltra quod cupiat,

IESVS decus Angelicum,  
In aure dulce canticum,  
In ore mel mirificum,  
In corde nectar calicum.

IESVS sole serenior,  
Et balsamo suauior,  
Omni dulcore dulcior,  
Cæteris amabilior.

Cuius gustus sic afficit,  
Cuius odor sic reficit,  
In quo mens mea deficit,  
Solut amanti sufficit.

Tu mentis delectatio,  
Amoris consummatio,  
Tu mea gloriatio,  
IESV mundi saluatio.

Quis fando explicare sufficiat omnia huius Sacratissimi  
nominis mysteria? Quod nomen IESV super omne nomen exal-  
tatum

tatum. O nomen Triumphale. O gaudium Angelorū. O læticia iustorum. O pavor inferorum, in te omnis spes vitæ, omnis spes gratiæ, in te omnis spes gloriæ. O nomen dulcorosum: Tu peccatoribus veniam præstas; tu mores renouas, tu mentes diuinā dulcedine repleas, tu phāsmata noxia pellis. O nomen gratiosum per te mysteria alta reuelantur, per te animæ ad Diuinum amorem inflāmantur, roborantur in pugna, & à periculis liberantur. O vtinam mille cordibus te amare, mille linguis te laudare possemus. Currite igitur ad IESVM omnes gentes, quærite eum dum inueniri potest, inuocate eum dum prope est. IESVS est salus mundi, salus vera, salus certa, salus perfecta, salus æterna, IESVS est salus mundi. Non enim venit Filius hominis vt iudicet mundum, sed vt saluetur mundus per ipsum. IESVS est salus vera, qui Angelo attestante saluum facit populum suum à peccatis eorum. Habuerunt Iudæi alios saluatores iuxta illud Neemiæ: Secundum miserationes tuas multas, dedisti eis saluatores, qui saluarent eos de manu hostium suorum. Talis erat Iesus Sirach Doctor fidelis; talis erat Iesus Ioisedech summus sacerdos; talis erat ille Iesus Naue dux, & Antesignatus inexpugnabilis. Verum hi vmbra fuerunt veri Saluatoris, neq; enim potuerunt veram salutem parare. Hæc enim vera & sola est salus à peccatis saluum facere, à morte æternā Diaboliq; Tyrannide liberare. Hanc Iacob Patriarcha suspirabat cum illa verba in extremo spiritu proferret: Expectabo salutare tuum Domine. Hanc & Propheta expetebat cum spem suam in Deum errigeret dicens: Ego autem in Domino gaudebo & exultabo in Deo IESV meo. IESVS est salus certa: neque enim aliud sub cœlo datum est nomen hominibus, in quo nos oporteat saluos fieri, nisi in nomine Domini IESV. Ad extremum IESVS est salus perfecta, & æterna, quia non corpori tantum, sed etiam, animabus medetur. Mirum est quod de S. Ignatio fertur, qui hoc haussimum nomen cordi medullitus inscriptum habuit, idèq; multis & variis tormentis &

suppli-

*Exhortatio  
& inuitatio  
omniū gen-  
tium ad le-  
sum.*

*Neemiæ 9.*

*Genes. 49.*

*Abac. 3.*



*S. Ignatius  
Nomen le-  
sus nureis li-  
teris cordi  
inscriptum  
habuit.*

suppliciis quantumvis exquisitissimis & dirissimis superari non potuit. Quod postea ab eius corpore extractum, atq; per medium scissum, inuentum est IESVS CHRISTVS aureis litteris insculptum. O quam iucundum & amabile, o quam efficax & salutare est nomen IESVS in corde ipsum diligentium, quod non tantum viuis, sed etiam mortuis efficacissimam praestat antidotum. Medici aegrotis quandoq; salutem dare nequeunt: IESVS autem ipsis hominum cadaueribus vitam, & sanitatem perfectam affert. O si medicus in tibi reperiri posset qui salutem aegris ducentorum vel mille annorum conferret; quis ad eum non properaret, quis largam salutem auro, & argento tibi non compareret? En medicum habemus qui non ducentorum, vel mille annorum, sed totius aeternitatis salutem affert: cur ad eum non properamus? cur ab eo salutem, & medelam vulneribus nostris non flagitamus? Quomodo ad eum cum Prophetâ non exclamamus? Adiuua nos Deus salutaris noster, & propter gloriam Nominis tui libera nos, & propitius esto peccatis nostris propter nomen tuum. Obone IESV aspice in me, & miserere mei secundum iudicium diligentium nomen tuum. Propter nomen tuum Domine propitiaberis peccato meo, multum est enim. Domine Deus salutis meae dic animae meae: salus tua ego sum. Exultabit cor meum in saluti tuo, cantabo Domino, qui bona tribuit mihi, & psallam nomini Domini altissimi. Exaltabo te Deus meus Rex, & benedicam nomini tuo in saeculum & in saeculum saeculi, per singulos dies benedicam tibi & laudabo nomen tuum in saeculum, & in saeculum saeculi. Laudationem Domini loquetur os meum, & benedicat omnis caro nomini Sancto eius in saeculum & in saeculum saeculi. Benedictus Dominus Deus Israel, qui facit mirabilia solus, & benedictum nomen maiestatis eius in aeternum: & replebitur maiestare eius omnis terra, fiat, fiat.

*Psal. 78.*

*Psal. 118.*

*Psal. 24.*

*Psal. 34.*

*Psal. 12.*

*Psal. 144.*

*Psal. 71.*

ri  
er  
is  
m  
a-  
i-  
m  
i-  
e-  
o-  
a-  
L  
o-  
s?  
i-  
s?  
ni-  
L  
ei  
o-  
elt  
ua  
o-  
ui-  
ini  
ne-  
tu-  
be-  
a-  
.

